

ANALIZA RADA PRIVREDNIH PREDUZEĆA U TK

Vlada traži veći uticaj NO

Problematično: Najizraženiji problem je u GIKIL-u, u kojem je Vlada TK vlasnik 70 odsto kapitala

Jasmina ŠARAC

TUZLA - Vlada Tuzlanskog kantona (TK) tražit će od članova nadzornih odbora (NO) u privrednim preduzećima u kojima ima državnog kapitala da imaju veći



Nezir Kovačević

Indijski strateški partner i dalje ne poštuje Kolektivni ugovor

uticaj u provođenju ciljeva u vezi s poslovanjem društva, kadrovskom politikom i poštivanjem zakonske regulative.

To je zaključeno na posljednjoj sjednici Vlade TK nakon analize rada nadzornih odbora devet privrednih preduzeća u čijem sastavu su članovi koje je imenovala ova vlada. Kantonalni čelnici su analizirali rad NO fabrike obuće "Aida", Livnice čelika Tuzla, Tvornice transportnih uređaja Tuzla, Koksno-hemijskog kombinata (KHK) Lukavac, "Elektromontaže" Tuzla, "Global ispat koksne industrije" (GIKIL), Rudnika soli Tuzla, Rudnika krečnjaka "Vijenac" Lukavac i nemetala u Kladanju.

"Ministarstvo industrije, energike i rudarstva će ponovo analizirati rad nadzornih odbora i shodno postignutim rezultatima poduzeti konkretne mjere kada je u pitanju davanje povjerenja pojedinim članovima za



Radnici GIKIL-a početkom ove godine blokirali izvoz koksa
FOTO NN

dalji angažman u nadzornim odborima", zaključeno je na sjednici Vlade TK. Najizraženiji problem je u GIKIL-u, u kojem je Vlada TK vlasnik 70 odsto kapitala, a indijski partner GSHL 30 odsto, s tim što je Indijcima dato većinsko upravljačko pravo.

Skupština TK je, nakon što su radnici GIKIL-a početkom ove godine blokirali izvoz koksa zbog nepoštivanja ranijih dogovora o isplati zaostalih plata, od kantonalne vlade

zatražila da se uključi u zaštitu državnog kapitala u GIKIL-u, ali i ostalim preduzećima. Naime, iako ima većinsko pravo odlučivanja, GSHL nije unio 45 miliona KM kapitala, na što je bio obavezan ugovorom.

Vehid Mešić i Čazim Umihanić, članovi Nadzornog odbora GIKIL-a, u ime državnog kapitala upozorili su Vladu TK da se sjednice NO sazivaju kada predsjedniku Pramođu Mitalu, inače vlasniku GSHL-

a, odgovara. Osim toga, Mital ih ne upoznaje o redovnim kontaktima koje vodi s upravom ove fabrike. Mešić ističe da su prije mjesec Mitala uslovi redefinisanim upravljačkih prava ukoliko ne ispoštuju ugovor i ne unese 45 miliona KM.

"Ponudili smo da unese kapital ili da na sebe preuzme dug prema dobavljaču za ugalj, koji sada dostiže oko 50 miliona KM ili ćemo redefinisati upravljačka prava. On se još ne

izjašnjava o tome. Navodno će doći idući utorak da razgovaramo", izjavio je Mešić.

Predsjednik Sindikata GIKIL-a Nezir Kovačević kaže da indijski strateški partner i dalje ne poštuje Kolektivni ugovor i da su njihove plate znatno manje od onih na koje imaju prava.

Članovi Nadzornog odbora Rudnika krečnjaka "Vijenac" Lukavac, koji je u državnom vlasništvu, Vladu TK su upozorili da je ovo privredno društvo u gubitku od 2008. godine zbog prodaje kamena po cijeni koja nije utvrđena na tržišni način. Oni su u svom izvještaju naveli da treba formirati nove cijene, po kojima "Šišedžam soda" Lukavac i Fabrika cementa Lukavac od njih kupuju krečnjak, kako bi državnu imovinu zaštitili od nagomilavanja gubitaka.

Ugovor
Indijski strateški partner i dalje ne poštuje Kolektivni ugovor

U Prijedoru otvoren "dm" market

D. KOVAČEVIĆ

PRIJEDOR - Drogerija i market "dm" svečano su juče otvoreni u samom centru Prijedora u Ulici kralja Petra Prvog Oslobođioca.

To je ukupno trideseta prodavnica iz "dm" koncerna u BiH i šesta u RS.

Prema riječima Aide Delić-Kadrić, referenta za marketing u prodavnicama "dm", za sve Prijedorčane i kupce proizvoda ovom prilikom je priredjen cjelodnevni program u sklopu kojeg niko nije izostavljen.

"Svi kupci imali su niz pogodnosti pri kupovini naših proizvoda. Organizovane su i nagradne igre. Svi oni kojima je račun nakon kupovine u prijedorskoj prodavnici 'dm' iznosio 20 KM mogli su da zavrtne i naše 'kolo sreće' i tako osvoje vrijedne nagrade. Najmlađi Prijedorčani uživali su u šarenom i veselom programu koji su za njih pripremili animatori Centra za kreativni rad sa djecom "Dobri medo", kazala je Delić-Kadrićeva.

Ona je najavila da će zbog otva-



ranja prve "dm" prodavnice u Prijedoru za sve stanovnike tog grada u narednih sedam dana biti organizovana i nagradna igra, u kojoj nastre-

Pogodnosti
Svi kupci imali su niz pogodnosti pri kupovini proizvoda

ćniji kupci mogu osvojiti jednu od vrijednih nagrada: veš-mašinu proizvođača "Bira", fotoaparata canon te 10 "dm" poklon-paketa.

"U prodavnicama 'dm' je u središtu svih razmišljanja čovjek. Prodavnica "dm" u Prijedoru prostire se na 280 metara kvadratnih prodajnog prostora", kazala je Delić-Kadrićeva.

Iz "dm" preporučuju i grupu proizvoda pod nazivom "moja marka", koji imaju vrhunski kvalitet i najpovoljnije cijene.

Bijeljina prima 50 pripravnika

BIJELJINA - Bijeljinska opština uključuje se u projekat Vlade Republike Srpske i Zavoda za zapošljavanje RS, a koji se odnosi na zapošljavanje 500 pripravnika s visokom stručnom spremom, koji nemaju radno iskustvo u zvanju za koje su se školovali.

"Opštinska uprava i opštinska javna preduzeća mogu primiti 50 pripravnika od trenutno 296 s visokom stručnom spremom koji se nalaze na evidenciji bijeljinskog Biroa za zapošljavanje", rekao je Mićo Mičić, načelnik Bijeljine, i istakao da će opštinska uprava primiti 30 pripravnika.

On je dodao da će primiti najviše diplomiranih ekonomista i diplomiranih pravnika.

O.S.

Krivične prijave zbog prevoza putnika

SARAJEVO - Preduzeće "Centrotrans-eurolines" podnijet će krivične prijave protiv Mihajla Krmptića i Ljiljane Sakić, aktuelnog i bivšeg ministra saobraćaja Kantona Sarajevo, i protiv Hasana Bašića, direktora Javnog preduzeća GRAS.

Safudin Čengić, generalni direktor "Centrotrans-eurolinesa", kazao je juče novinarima da će prijave biti podnesene zbog neizvršavanja sudskih presuda, zloupotrebe položaja i ovlasti i povrede ravnopravnosti u vršenju privredne djelatnosti.

Linije
Do 2004. GRAS-u nezakonito dodijeljeno 100 linija

Podsjetio je kako Ministarstvo nikad nije ispoštovalo odluke Kantonalnog suda u Sarajevu, koji je poništio 13 GRAS-ovih linija za prevoz putnika, među kojima je i linija Sarajevo - Ilijaš.

"Ministarstvo je u aprilu donijelo

privremeno rješenje kojim GRAS-u omogućava da saobraća na liniji Sarajevo - Ilijaš. Ako do petka ne bude proučeno ovo rješenje, otpočet ćemo s linijama u KS", rekao je Čengić.

Precizirao je da će, ako ne bude reakcije Ministarstva saobraćaja KS, "Centrotrans" sutra početi prevoziti putnike na linijama Dobrinja - Bašćaršija, Hrasnica - Bašćaršija, i na drugim relacijama za koje su "sigurni da građani nisu zadovoljni uslugama GRAS-a". "Cijena karte bit će marka", najavio je Čengić, podsjetivši kako je nezakonit rad GRAS-a počeo još 1996. godine.

"Do 2004. godine GRAS-u je nezakonito dodijeljeno sto linija, a do 2007. godine Kantonalni sud u Sarajevu poništio je 13 linija. Ministarstvo saobraćaja KS pet godina prešućivalo je odluke suda i omogućavalo GRAS-u da nezakonito radi. Nakon odluke Konkurencijskog vijeća BiH Ministarstvo je iz registra izbrisalo ove linije, ali GRAS i dalje saobraća njima", rekao je Čengić.

Komentar ministra saobraćaja Mihajla Krmptića jučer nismo dobili jer su nam iz njegovog kabineta kazali da je bio na sjednici Vlade KS.

S.V.